



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

70. Qvintilla intra triplam aquæ affusionem sic formam baptismi adhibet:
Ego te baptizo in nomine Patris, Ego te baptizo in nomine Filij, Ego te
baptizo in nomine Spiritûs Sancti; qui baptismus ...

urn:nbn:de:hbz:466:1-40942

Dicimus, tenentem scalas furi, & eiusdem res
furtivas asportantem interdum ita concurre-
re, ut absque hoc subsidio totum damnum
nihilominus contingere: interdum ita ut
absque praedicto auxilio fur in domum pene-
trare, & res furtivas asportare non posset; in
hoc posteriori solùm casu tenentem scalas, &
res furtivas asportantem DD. communiter
obligant ad restitutionem: non in illo prio-
ri, ut videre est apud Layman l. 3. Tr. 2. c. 5.
n. 5. Vnde ex hac instantia confirmationem
ac robur acquirit nostra resolutio.

LXX. *Quintilla pia matrona puerum quem-
dam recens natum & admodum debilem ex neces-
itate baptizans inter triplam aquæ affusionem
profert hæc verba: Ego baptizo te in Nomine Pa-
tris: Ego baptizo te in Nomine Filij: Ego baptizo
te in Nomine Spiritus Sancti. Quæritur. Vtrum
Baptismus sic collatus sit validus?*

Videtur non valere. Ita Comitolus l. 1. Re-
spon. Moral. q. 7. & Bonacin. de Sacram. D. 2.
q. 2. pun. 4. n. 4. quibus eousque subscribit
Layman l. 5. tr. 2. c. 4. n. 5. ut existimet, talem
Baptismum iterandum esse sub conditione.
Ratio istorum est. Tum quia in eo tres sunt
ablutiones, & tres formæ imperfectæ, qua-
rum nulla per se est sufficiens ad constituendū
Baptismum, neque omnes simul consti-
tuunt, quia non possunt in unam totalem &
adæquatā formā coire. Tum quia in eodem

pro-

propter repetitionē verbi *in Nomine*, & propter omissionem coniunctionis *Et*, non satis exprimitur vnius DEitatis essentia, quod ad valorē Baptismi requiritur.

Resp. Baptismum sub prædicta forma collatum esse validum. Ita P. Dicastillo Tom. I.
de Sacram. Tr. 2. D. 1. n. 96. & plerique alij, planè supponentes, talem baptismum etiam sub conditione non esse repetendum. Probatur. Tum quia, quod implicitè forma continet, id expressè potest verbis proferri. At usitata forma Baptismi habet tacitam professionem beneficij, quod à Patre & Filio & Spiritu S. in baptizatum per Sacramentum derivatur; nec enim solus Pater baptizat, aut emundat à peccato, sed etiam Filius, & Spiritus S. atque hoc ipsum minister, dum baptismum confert, præstat non in nomine solius Patris, sed etiam Filii, & Spītū S. Ergo hoc exprimere in forma non reddet irritum Sacramentum. Tum quia sicuti nihil refert, utrum quis infantem semel tantum, vel ter immergit in aquam, ita etiam nihil ad substantiam Sacramenti referre videtur, utrum aqua ei semel affundatur repetito ablutionis verbo, an ter ob mysterium SS. Trinitatis. Tum quia repetitio illa eiusdem singularis vocis (*in nomine, omissā coniunctione Et*) satis adhuc significat unitatem diuinæ essentiae, cum per se sensum non immutet, perinde

de

de ut idem omnino est dicere: DEus Pater,
Filius, Spiritus S. ac dicere: DEus Pater, DEus
Filius, DEus Spiritus S. vti benè Dicastillo
loc. cit.

Ad primum in contrarium dicimus, tres illas
formas, seu potius partes constituere vnam to-
talem & completam formam, quod quidem
difficilius non est, quām vt diversæ formæ
partiales in Ordine, & extrema Vnctione vnū
totū Sacramētum cōstituāt, quod tamē passim
concedunt omnes. Ad 2. Patet ex dictis, si-
mulque sufficiens dubium ex hac præcisè for-
ma non esse, cur Baptismus sic collatus etiam
sub conditione repetatur.

LXXI. Rachel in partu ingentem sentit diffi-
culturam, vt tam ipsa, quām proles vitâ pericli-
tentur; quia verò ista adhuc viuere, & manum
ex vtero materno porrigere videtur, vt illius vita
spirituali succurratur, quedam ex præsentibus
mulieribus infantem baptizandum putat, qui at-
men hoc alia dissuadent, extinguitur infans, ante-
quam plenè enascatur. Quæritur. Vtrum infans in
manu porrecta licet baptizari potuisset?

Videtur non potuisse Ita Bonac. Tom. I.
D. 2 de Sacram. q. 2. pun. 6. num. 8. & plures
apud istum, nixi hoc fundamento, quod ex S.
Augustin. Epist. ad Dardanum affert S. Thom.
p. 3 q. 68 art. II. Nemo renascitur spirituali-
ter, nisi prius nascatur naturaliter. Sed Ba-
ptismus est quedam spiritualis regeneratio.
Ergo